



Broj: 01-93/22
Vareš, 26.04. 2022. godine

Na osnovu člana 13. Zakona o principima lokalne samouprave Federacije BiH „Službene novine Federacije BiH“, br. 49/06 i 51/09) i člana 22. Statuta općine Vareš-Prečišćeni tekst, broj: 01-162/12 od 11.09.2012. godine, Općinsko vijeće Vareš na 15. sjednici održanoj 26.04. 2022. godine, d o n o s i

ODLUKU
o pokretanju procesa revizije Strategije lokalnog razvoja Općine Vareš
za period 2017.-2026. godine

Član 1.

Pokreće se postupak revizije Strategije lokalnog razvoja Općine Vareš za period 2017.-2026. godine, a u okviru nastavka Projekta lokalnog integriranog razvoja (LID), koji predstavlja zajedničku inicijativu Evropske Unije (EU) i Razvojnog programa Ujedinjenih nacija (UNDP).

Član 2.

Revizija Strategije razvoja biti će urađena uz primjenu standardizirane metodologije za planiranje lokalnog razvoja (MiPRO), te će kao takva predstavljati osnovu za srednjoročni lokalni razvoj općine Vareš.

Član 3.

Proces revizije će biti zasnovan na srednjoročnoj evaluaciji strategije razvoja Općine Vareš za period 2017.-2026. godine, uz učešće građana, odnosno uključivanje najšireg kruga ekonomskih partnera.

Član 4.

Operativno koordinacijsko tijelo koje će biti zaduženo za vođenje procesa revizije Strategije razvoja Općine Vareš, a u skladu sa MiPRO metodologijom će biti Radni tim za reviziju Strategije lokalnog razvoja Općine Vareš za period 2017-2026 kojeg će imenovati Općinski načelnik.

Član 5.

Ova Odluka stupa na snagu danom donošenja i biti će objavljena na oglasnoj ploči Općine Vareš.

DOSTAVLJENO:

1 x Oglasna ploča,

1 x a/a.

**PREDSJEDAVAJUĆA
OPĆINSKOG VIJEĆA**

Mahira Brkić

Obrazloženje

Strategija lokalnog razvoja 2017–2026. godine (Strategija) je ključni strateško-planski dokument Općine Vareš, koji treba da podstiče budući rast i razvoj zajednice. Strategija razvoja obuhvata društvenu i ekonomsku sferu, ali i aspekte zaštite i poboljšanja okoliša i prostornog uređenja. Izrađena je kao okvir za definisanje zajedničkih ciljeva, podsticanje lokalnih snaga, ali i kao odgovor na izazove budućeg razvoja Općine i sveukupnog života u njemu. Kao takva, Strategija integriranog razvoja je u skladu sa strategijama i politikama na višim nivoima vlasti, ali i sa drugim sektorskim strategijama i zakonskim okvirima na državnom i kantonalnom nivou.

Strategija lokalnog razvoja općine Vareš 2017–2026. godine je ključni strateško-planski dokument. Strategija je u skladu sa razvojnim strategijama i politikama na lokalnom i na višim nivoima vlasti (strategije i zakonski okvir).

Strategija je izrađena je od strane radnih tijela koja je imenovao načelnik, uz puno učešće javnog, privatnog i nevladinog sektora.

Vizija razvoja i strateški ciljevi razvoja definisani su na period od 10 godina. Sektorski planovi, operativni ciljevi, programi, projekti i mjere definisani su na period od 5 godina.

Okvirni operativni planovi su izrađeni za naredne 3 godine.

Prioritetni programi i projekti su osnova za korišćenje opštinskih i drugih domaćih izvora sredstava i pristup eksternim izvorima sredstava – EU IPA i drugi programi podrške u BiH.

Nakon perioda od pet godina predviđeno je da se doneseni dokument analizira kroz angažovanje predstavnika različitih sektora: poslovni, društveni, obrazovni i NVO sektor.

Formira se radni tim koji ima zadatak da uradi sveobuhvatnu analizu po pitanju trenutnog stanja kao i potreba lokalne zajednice radi strateške procjene konkurentnosti općine u novim globalnim i lokalnim okolnostima. Pošto radni tim čine predstavnici različitih sektora, u skladu sa oblastima kojima pripadaju formiraju se sektorski timovi lokalni ekonomski razvoj, društveni razvoj i sektor za okoliš.

Kroz cjelovitu analizu sektorskih planova, operativnih ciljeva programa, projekata i mjera revidirati postojeći dokument “Strategiju razvoja Općine Vareš 2017-2026 godine” i uskladiti ga sa razvojnim dokumentima viših nivoa kantonalnih, entitetskih i državnih institucija.